

Txirrindularitza

Banesto aurrera begira

Jose Miguel Etxabarrrik «aro berria» hasi dela esan zuen atzo taldearen aurkezpenean

Banesto taldea nobedade askorekin aurkeztu zen atzo eguerdian Madrilen. Miguel Indurain ez zen lehen aldiz bertan egon, eta bere ordeaz Abraham Olano izan zen lider modura. Jose Miguel Etxabarrizuzendariak esan zuenez, «aurkezpen desberdina da hau, aro berri baten hasiera aurkezten ari baikara».

Agentziak / Madril

AURKEZPEN ekitaldia hasi aurretik, txalo zaparrada eskatu zuen Jose Miguel Etxabarrik Miguel Indurainentzat. Banestoko zuzendariak hitz handiak izan zituen nafararentzat, baina ilusionaturik agertu zen aro berriaren atarian. «Banestok aro berria hasten du. Indurainek oso goian jarri du jomuga, eta ez da erraza izango horra heltzea. Baina bizitzan aldaketak daude, eta Banestok Miguel gabe jarraitu behar du. Historia ez da inoiz amaitzen, horregatik historian geratuko den zerbait berria egiten

Hemeretzi gizonek osatzen dute aurtengo Banesto, horien artean zazpi euskal txirrindularik. MORENO / EFE



saiatu behar dugu».

Etxabarrizentzat, Indurain ez egotea «erronka handia» da taldeko guztientzat, «ohituta baikenuden bere garaipenetara». Banestoren egitura ez omen da aldatuko. «Helburuak ere berdinak izango dira: Vuelta, Tourra eta Munduko Txapelketa. Txirrindulari batzuen programa aldatuko da, hori bai, lehen egunetatik garaipenen bila aterako

garelako lehen ez bezala. Lehen Indurainen itzalpean zeudenek irabaztera atera beharko dute».

Abraham Olanok, bere aldetik, itzaropentsu dagoela esan zuen. «Ez nator Indurain ordezkatzera, bere mailara heltzen saiatzera baizik. Erronka interesgarria da niretzat, eta uste dut poztasun asko eman ditzakedala».

1997ko Banesto txirrindulari hauek osatzen dute: Marino

Alonso, Ramon Gonzalez Arrieta, Jose Ramon Uriarte, Pruden Indurain, Jeremy Hunt, Orlando Rodrigues, Txente Garcia, Carmelo Miranda, Vicente Aparicio, Angel Luis Casero, Santi Blanco, Jose Maria Jimenez —iaztik jarraitzen dute—, Abraham Olano, Manuel Fernandez Gines, Manuel Beltran, Miguel Angel Peña, Aitor Osa, Unai Osa eta Armand de las Cuevas. X

Herri Kirolak

Sokatira Txapelketako lehen finalak jokoan Urrestillan

Gizonezkoen 560 kiloetako eta emakumezkoen 480 kiloetako tituluak erabakiko dira

Erredakzioa / Donostia

EUSKAL HERRIKO Goma Gaineko Sokatira Txapelketaren lehen finalak jokatuko dira gaur, Urrestillako frontoian, arratsaldeko 17:00etatik aurrera. Bi mailatako tituluak erabakiko dira. Alde batetik, gizonezkoen 560 kiloetako. Urrestilla eta Iparralde (1. Multzotik sailkatuak), Areso eta Beti Gazte (2. Multzotik) eta Torrekolanda eta Badaiotz (3. Multzotik) izango dira nor baino nor. Borroka ikusgarria espero da, finalean parte hartuko duten guztiek baitute maila bertsua.

Emakumezkoen 480 kiloetako titulua ere gaur erabakiko da. Nafarroa, Torrekolanda, Jai-Beti, Gaztedi, Berriozar eta Badaiotz-ek ligaxkak hiruugarren eta azken jardunaldia jokatuko dute. Faborito nagusia Gaztedi da, aurreko bi probak irabazi egin dituelako. X

Larunbat honetan, 17,45 etan

Ikuskizun Ederra, TELE 5n!

Ikuskizun hutsa. Aurtengo Tolosako

Ihauteriko Pilota Sariko lehenengo part

tidurako izar haundiak ditugu lehan.

Arratsalde honetan **Beotibar** kantxatik

TELE 5-k txapela kentzeko partidua eska

iniko digu. Aurreneko koadroetan bakerik

ez **Titin III** eta **Capellane**k bukatu arte eta

atzean bi erraldioen arteko borroka bortitza.

Geratzeko motiboak soberan dituzu beraz.

Ihauteri Saria

TITIN III - ELKORO



CAPELLAN - BELOKI

Otsailak 8 larunbata, 17,45 etan Tolosako **BEOTIBAR**. pilotalekua



FRONTON & 5

Pilotarik Onena

Jose txo Lizartza Estiloric onena.



Orain pilota onena TELE 5-n jokatzen da